



Headlines

- 1- पैहले गेड़ दे असैम्बली चुनाएं तैहत कुल 24एं सीटें लेई 279 मेदवार चुनां मैदान च न। जम्मू संभाग दे 8 हल्कें लेई 94 मेदवारें नामांकन भरे न।
- 2- ास संभाग च 7 साबका मंत्रिएं, ासी अध्यक्ष, साबका विधायकें, नौकरशाह ते साबका एवोकेट जनरल होरें अपनी नामजदगी दाखल कीती ऐ।
- 3- जम्मू-कश्मीर च दुए गेड़ दे असैम्बली चुनां लेई अधिसूचना कल जारी कीती जाग।
- 4 जम्मू आस्सेया त्रऊं दिनें दे 'स्पीक फेस्ट इंडिया' नांs दे कार्यक्रम दी मेजबानी कीती जाग जेहड़ा मोटर गइए सरबन्धी खेड्डें च इक शानदार नमां ध्याs जोड़ी देग।
- 5 पैरालंपिक खेड्डां अज्जै थमां पेरिस च शुरू होआ करदियां न। जम्मू-कश्मीर दी धीह पैरा-तीरंदाज शीतल देवी थमां मुख्य गी तगमा दोआने दिआं सब्बनें शा मतियां मेदां न।



Nomination

जम्मू-कश्मीर च पैहले गेड़ तैहत कुल 24 असैम्बली सीटें लेई होने आले चुनां आस्तै कुल 279 मेदवार चुनां मैदान च न। इनें मेदवारें दे सियासी भविकख दा फैसला कुल 23 लक्ख 27 जहार मतदाता करंगन जिंदे च 5 लक्ख 66 जहार युवा मतदाता न। मेदवारें आस्सेया दाखल नामजदगिएं दी जांच अज्ज कीती जाग ते 30 अगस्त तगर मेदवारी वापस लैती जाई सकदी ऐ। जम्मू संभाग दे त्रै जिलें- ास, किश्तवाड़ ते रामबन दिएं 8 असैम्बली सीटें लेई कल नामांकन दाखल करने दे खीरी ध्याड़े 96 मेदवारें अपने नामांकन दाखल करोआए न।

इंदे च 7 साबका मंत्रिं सनें पीपीसी अध्यक्ष, साबका विधायक, नौकरशाह, एवोकेट जनरल ते दऊं शहीद भ्रां दे परोआर दे सदस्य बी शामिल न। पैहले गेड़ तैहत 18 सितंबर गी वोट पोआए जाने न।

<><><><><><>

Big-Faces

पीपीसी संभाग दिं 8 असेम्बली सीटें पर कुल 7 साबका मंत्री चुनां मैदान च खड़ोते देन। इंदे च पाणर-नागसेनी थमां बीजेपी दे सुनील शर्मा, इंद्रवाल थमां आजाद मेदवार जी.एम सरू, किशतवाड़ थमां नेशनल कांफ्रेंस दे सज्जाद किचलु, पीपीसी थमां पी.पी.ए.पी दे अब्दुल मजीद वानी ते नेशनल कांफ्रेंस दे खालिद नजीब सुहरावर्दी, बनिहाल थमां कांग्रेस दे विकार रसूल वानी ते पीपीसी वेस्ट थमां बीजेपी दे शक्तिराज परिहार शामिल न। किशतवाड़ दिं पीपीसी अध्यक्ष पूजा ठाकुर होर बीजेप दे सुनील शर्मा खलाफ नेशनल कांफ्रेंस दी मेदवार दे तौर पर पाणर-नागसेनी सीट लेई चुनां मैदान च न। भद्रवाह थमां दिलीप परिहार जिसले के किशतवाड़ थमां फिरदौस टॉक चुनां मैदान च न। एहदे अलावा शहीद अजीत सिंह हुंदी धीह शगुन परिहार बी चुनां लड़ा करदियां न। उंदे पिता ते चाचा हुंदी आतंकवादिं 2018 च हतेआ करी दिती ही। साबका आईएएस अफसर महबूब इकबाल ते साबका एवोकेट जनरल असलम गोनी भद्रवाह सीट थमां चुनां मैदान च उतरे दे न।

<><><><><><>

Second-Phase

जम्मू-कश्मीर विधानसभा चुनावें दे दुए गेड़ दे आम चुनावें लेई अधिसूचना कल जारी कीती जाग। इस चरण च गांदरबल, श्रीनगर, बगाम, पुंछ, रियासी ते राजौरी जिलें दी होरनें 26 सीटें लेई 25 सितंबर गी वोट पाए जांगन। इस गेड़ आस्तै नामांकन भरने दी खीरी तरीक 5 सितंबर गी होग ते अगले रोज कागदें-पत्रें दी जांच कीती जाग। मेदवारी वापस लैने दी खीरी तरीक 9 सितंबर गी होग ते इस गेड़ तैहत 25 सितंबर गी वोट पाए जांगन।

<><><><><><>

BJP-3rd List

भारतीय जनता पार्टी नै प्रदेश च दुए ते त्रीये गेड़ दे असैम्बली चुनावें लेई 29 मेदवारें दी त्री सूची जारी कीती ऐ। इस सूची च किश साबका मंत्रिणें ते साबका विधायकें दे नां बी शामिल न। इंदे च नगराटा थमां देवेन्द्र सिंह राणा, जम्मू नार्थ थमां शाम लाल शर्मा, सांबा थमां सुरजीत सिंह सलाथिया, विजयपुर थमां चंद्र प्रकाश गंगा, जसरोटा कठुआ थमां राजीव जसरोटिया, रामगढ़ थमां डाक्टर पी.के मनेयाल, उधमपुर वेस्ट थमां पवन गुप्ता, बुद्धल थमां चौधरी जुल्फिकार अली, सुरनकोट थमां सैयद मुश्ताक बुखारी ते चनैनी थमां बलवंत सिंह मनकोटिया हुंदे नां मुख न। पार्टी नै विवाद होने दे बाद मेदवारें दी जेड़ी सूची परतियै जारी कीती ओदे च इक बदलाव कीता गेआ ऐ। माता वैष्णो देवी असैम्बली हल्के थमां मेदवार रोहित दुबे दी थाहर हुन इस सीट लेई साबका वियक बलदेव राज शर्मा गी टिकट दित्ता गेआ ऐ।

<><><><><><>

NSG

भारतीय पुलस सेवा दे वरिष्ठ अधिकारी बी. श्रीनिवारन होरें गी मुख्खे दे आतंकवाद रोधी बल राश्ट्रीय सुरक्षा गार्ड-एनएसजी दा महानिदेशक नियुक्त कीता गेआ ऐ। श्रीनिवासन भारतीय पुलस सेवा दे बिहार कांर दे 1992 बैच दे अधिकारी न। मंत्रीमंल दी नियुक्तिएं सरबंधी समिति नै श्रीनिवासन हुंदी नियुक्ति दी मंजूरी दिती। ओह फिलहाल राजगीर स्थित बिहार पुलस अकादमी दे निदेशक न।

<><><><><><>

ARO-Jammu

अग्निपथ स्कीम गी हथेयार बलें च नोजवानें दी मती शा मती शमूलियत यकीनी बनाने आस्तै तैयार कीता गेदा ऐ। एह योजना नोजवानें गी इक बेहतर मौका उपलब्ध करांदी ऐ। इस योजना बारे जागरूकता पैदा करने आस्तै एआरओ जम्मू आस्सेया इक लेक्चर दा आयोजन कीता गेआ। एहदा आयोजन नगराटा दी सिखलाई अकैमी च कीता गेआ। एहदे च एनसीसी दे 540 कैोट शामिल होए जिनें इस लेक्चर च रूची दस्सी ते मते सारे अपने शक-शूबे दूर कीते। अग्निपथ स्कीम दे इस सत्र च एनसीसी कैोटें गी जागरूक बनाया गेआ जे कियां ओह थेआर बलें च शामिल होई सकदे न ते केंद्र सरकार आस्सेया एनसीसी कैोटें गी एहदा किस चाल्ली दा फायदा हासल हौंदा ऐ।

<><><><><><>

Jammu-Speed Fest.

मंदरें दा शैहर जम्मू इक नमां इतिहास रचने गी जा'रदा ऐ कीजे जम्मू दे एम.ए स्टेडियम च पैहली बारी 30 अगस्त थमां पैहली सितंबर तगर 'स्पीड फैस्ट इंडिया' नां कन्नै कारें दी रेस

आले कार्यक्रम दा आयोजन होआ करदा ऐ। त्रउं दिनें दा एह् कार्यक्रम जम्मू-कश्मीर च मोटर गइपिं सरबंधी खेड्ठ प्रेमिं आस्तै इक शानदार मौक होग। एहदा आयोजन बीएसआर मोटर स्पोर्ट्स आस्सेया सैलसफा निदेशालय जम्मू ते जम्मू-कश्मीर खेड्ठ काउंसल दे सहयोग कन्नै कीता जा'रदा ऐ। एह् आयोजन मकामी हुनर लेई इक बधिया मंच उपलब्ध करोआग।

<><><><><><>

Udhampur-SVEEP

स्वीप अभियान तैहत उधमपुर दे सरकारी हायर सेकेंद्री स्कूल सेवना नै कल जिला चुनां दफतर उधमपुर दे सहयोग कन्नै मतदाताएं गी जागरूक करने लेई इक रैली दा आयोजन कीता। इस रैली च स्कूल दे अमले ते 100 थमां बद्द विद्यार्थिये हिस्सा लैता। रैली स्कूल थमां शुरू कीती गई ते पूरे ग्रां दा दौरा करने मगरा परतिये स्कूल च पुज्जी। रैली दा मकसद आम लोकें गी औंद विधानसभा चुनाएं च मती गिनतरी च मतदान करने लेई बढावा देना हा। आकाशवाणी दे संवाददाता कन्नै गल्लबात करदे होई स्कूल दे विद्यार्थिये गलाया।

<><><><><><>

Paper-Reading

Electoral Literacy Club ते सरकारी षिग्री कालेज दरमाड़ी दे एनएसएस यूनिट पास्सेया वोट देने दे महत्व बारै पर्चा पढ़ने आले इक मुकाबले दा आयोजन कीता गोआ। एहदे च बक्ख-बक्ख विशे दे विद्यार्थिये बधी-चढ़िये हिस्सा लैता। एहदा मकसद विद्यार्थिं गी वोट पाने दे महत्व बारै जागरूक बनाना हा।

<><><><><><>

Para-Olympics

2024 पैरालंपिक खेड्डें दी शुरुआत अज्ज पैरिस च होआ रदी ऐ ते एह 8 सितंबर तगर चलोग। एह पैहली बारी ऐ जे फ्रांस समर पैरालंपिक्स दा आयोजन करा रदा ऐ। एहदे च कुल 84 भारतीय पैरा एथलीट हिस्सा लै रदे न।

<><><><><><>

Sheetal

जम्मू-कश्मीर दे किश्तवाड़ जिले दी 17 बरे दी तीरंदाज इक कोकोमिलिया नां दे विकार कन्नै पैदा होई ही। शीतल देवी दुनिया दी पैहली ते इक्कली महिला तीरंदाज खपारी ऐ जेहड़ी बगैर बाहमें दे मकाबला करदी ऐ। हाल च गै शीतल देवी नै विश्व च कम्पाउं ओपन महिला वर्ग च पैहला थाहर हासिल कीता ऐ। पैरा तीरंदाज शीतल देवी गी राष्ट्रपति द्रौपदी मुर्मू हुंदे आस्सेया बड़ी मती प्रतिष्ठा आहला अर्जन पुरस्कार 2023 कन्नै सम्मानित कीता गेआ हा। शीतल देवी पैरा तीरंदाजी विश्व चैंपियनशिप च चांदी दा तगमा हासिल कीता हा जेदे कन्नै उसी पेरिस पैरा ओलंपिक खेड्डें दी टिकट हासल करने च मदाद थहोई ऐ। लौहके नेय ग्रां ते करसानी परोआर च जन्मी दी शीतल देवी नै 15 बरे दी उम्री च बगैर बाहमें अपनी 4 म्हीने दी ट्रेनिंग लैने मगरा 50 मीटर दी दूरी पर नशाना लाना शुरू करी दिता हा। शीतल देवी अमरीका दी तीरंदाज मट स्ट्टजमैन थमां प्रेरणा लेंदी ऐ जेड़ी खास इंदे आस्तै इस्तेमाल कीते जाने आहले उपकरण दी मदाद कन्नै अपने पैरें कन्नै निशाना लांदी ऐ। पेरिस च शीतल देवी गी विश्व दे पैहले त्रै खपारी जेन कारला गोगल ते वर्ल्ड चैंपियनशिप विजेता Ozgur Cure सने इक होर खपारी कन्नै डे मकाबले च सामना करना पौग।

<><><><><><>

Jay-Shah-ICC

भारतीय क्रिकेट कंट्रोल बोर्ड बीसीसीआई दे सचिव जय शाह होर अंतरराष्ट्रीय क्रिकेट परिषद आईसीसी दे निर्विरोध अध्यक्ष चुनी लैते गए न। ओह पैहली दिसंबर 2024 थवां एह औहदा संभालंगन। एहदे कन्नै गै 35 बरें दे शाह सब्बनें थवां घट्ट उम्री दे आईसीसी अध्यक्ष बनी जांगन। इस म्हीने दी 20 तरीक गी एह घोषणा कीती गई जे आईसीसी दे मौजूदा अध्यक्ष ग्रेग बार्कले त्रीए कार्यकाल आस्तै अग्गे नेई औना चाहंदे न। उनें मेदवारी छोड़ी दिती ऐ।

<><><><><><>